

皇朝詞林典故



皇朝詞林典故



皇朝詞林典故卷二十九

恩遇

考試

順治十年二月。

御試教習

國書翰林官於

內院特擢者三人。胡兆龍以侍講陞侍

讀學士李蔚以編修陞中允莊同生
以檢討陞贊善餘責令勉學者十二
人調六部用者五人。

是年三月。

諭內院朕稽往制。每科考選庶吉士入館讀書。歷陞編檢講讀及學士等官。不與外任。所以諮求典故。撰擬文章。充是選者。清華

寵異過於常員。然必品行端方。文章卓越。
方爲稱職。乃者翰林官不下百員。其中通
經學古與未嘗學問者。朕何由知。今將親
加考試。先閱其文。繼觀其品。再考其存心。
持已之實據。務求真學。備朕異日顧問。自
吏禮兩部翰林侍郎。及三院學士詹事府
詹事以下各候。朕旨親試。分別高下。以昭

皇朝詞林典故 卷二十九
朕慎重詞臣之意。四月

上御太和門。試兼翰林銜吏禮兩部侍郎。及
內三院學士編檢以上官六十二員。
欽命題。君子懷德論。請立常平倉疏。越日。
駕幸內院。將試過各官。

御筆親定去留。令留原衙門者。照舊供職。少
詹事王崇簡以下二十一人。俱從優。

諭吏部曰。國家官人。內外互用。在內者習知。

紀綱法度。則內可外。在外者諳練土俗民

情。則外亦可內。內外敷歷。方見真才。朕親

試詞臣。量爲分別。有照舊留任者。有改授

外任者。其外任編檢以上官。照詞臣外轉

舊例。優予司道等缺。年衰病弱者。請告。朕

仍優遣之。

十三年二月。

御試教習

國書翰林官陳鼓永等十人。均加賞賚。
外奪俸三月者四人。閏五月再試。

上以王熙等六人學問皆優。

特旨獎勵。餘住俸再留教習及鑄級外用各

有差。

十五年四月。

御試詞臣。除三院學士外。翰林各官皆與試。

尋

上以翰林習知法度。宜內外互用。

親定吳正治。王紹隆。范廷元。許纘。曾張永祺。

楊紹先。金鉉。張瑞徵。陳子達。薛濤。葉

先登。李昌祚。戴王綸。秦鉞。曹申吉等。
俱才堪外任。

命察照前例。酌予補用。

謹按順治十年。十五年。兩次考試。皆
以外轉爲優。惟考

國書翰林。有內陞者。自康熙年間考試。
習漢書者。始予內陞。

康熙十八年五月。

御試詞臣侍講牛鈕名在第一。卽日除侍講學士。

謹按牛鈕以庚戌成進士。選庶吉士。壬子散館。授檢討。未到任。卽除侍講。先後皆殊擢也。

二十四年正月。

御試翰詹諸臣於

保和殿。

欽命題經史賦。

懋勤殿早春應制。五言排律詩。越二日。

上親擢徐乾學等十一人。再試於

乾清宮。

欽命題班馬異同辨。

乾清宮讀書記。扈從

祈穀壇七言律詩。時修撰蔡升元。納卷後。

召對移時。抵暮。

命侍衛執燈伴送至閣門。二月。

上以試過翰詹諸臣。徐乾學。韓菼。孫岳。頌。歸。

允。肅。喬。萊。學問優長。文章古雅。均加。

賞賚。彭孫適等。照舊供職。周之麟等。

分別調用各有差。

三十三年閏五月。

御試詞臣於西苑。

欽命題豐澤園賦。理學有真偽論。贊善陸藻名在第一。卽除內閣學士。餘各賞賚有差。

是年六月。

御試詞臣於

暢春苑。

欽命題萬壽無疆賦。擬
御製以題中五字爲韻。

擢詹事徐秉義第一。

賜宴並

賜御筆擢秀清流四大字。少詹事以下皆有

賜惟不合格者二十人。不與。

五十三年十一月。

命試編修以下書法。拔其尤者入

武英殿恭寫

御纂周易折中。凡三試得十卷。進呈

御覽。

欽定六員。編修彭廷訓第一。入直

南書房。

五十四年。

御試詞臣於

乾清宮。

欽命題明四目達四聰論爲有源頭活水來
詩。儲在文。名在第一。

特命入直